

堅

瓠

集

序

嘗覽顏魯公文集見宋文貞公
廣平神道碑言其雅善戲謔不
常矜莊每有談諧人輒䟽取然
則端人鉅公立朝大節表表當
世而亦不廢調笑至於或資博

贍或寓規箴歷代以來高流名
彥紀艷紀異不可枚舉其所采
輯咸足佐清談而供考據迄今
傳之不替蓋聖經賢傳自為吾
儕之所尊奉然泥之者未免流
於適莫適莫之弊遂為偏黨世

之方幅規步謂不讀非聖之書
而出言不苟者乃有所論列如
擬蘇子瞻為蔡京比荀文若於
秦檜往往不滿於後人吾所不
解也講誦不廢絲竹笑罵皆成
文章其風流不墜反似有可取

耳褚子學稼予忝世講一門之內少長皆有文端雅之士而學稼尤博涉古今裒其餘緒以為揮麈解頤之助命之曰堅瓠謂其不適於用也其集至再至三四而猶未已廣聞見悉遠邇鼓

舞悅豫開抒沉鬱端足賴焉其
用曷可以一端盡之若夫拘攣
局促祇掇拾糟粕之餘如李太
白所謂白髮死章句者吾不知
其所用何等也

通家弟朱陵漫題於亦集

堅瓠廣集卷之一目錄

道學風月

古人稱先

爲善望報

激禍

書勸門人

劉時卿語

湯東谷語

蘇黃門語

伍蓉菴語

荒政

治本

視由科

燕二十八宿

牛牢狐眠

丁謂才智

東坡遊西湖

鄭仰田拆字

竹木

神石度飢

京師十可笑

二十四氣

鐵冶廠

長卿簡子

李後主轉世

李錢二王生卒

黃袂談語

文士潤筆

明皇遇貴妃

吏三十六子

奸僧撚指

籠燈傳送

妓女葉子

記里鼓

宜武門書院

毀碑

宋江畢四

京師四多

蘆溝斗城

娼家曆術

劉良女

官司諺語

都下諺

平江伯

看果楮錠

返魂香

戒指

戴文進畫

買東西

山海經

娶婦用鞍

女官

女將軍

詐爲男子

六十生子

啓棺出女

南無

美髯

盤何山水

離地草

酒籌

優鉢羅花

堅瓠續集卷之一

長洲石農禿人獲學稼纂輯

道學風月

祝理美曰儒者談道學必厲齒嚴牙着不
得一毫戲諱此甚腐也先儒如子輿氏詆
諧甚多不可殫述至若迷聖曾子學主慎
獨一生戰戰兢兢不敢些子放肆乃講到
心誠求之句便譬喻到學養子而後嫁這

是不板腐的樣子又謝上蔡欲試教官請
于程子程子曰吾黨有求貞婦者聘一女
先欲試之其母怒而弗許曰吾女非可試
者也子求爲人師而試之必爲此媼笑也
程子此語從學養子脫胎出來却又闡發
太過可見諺詞何害道學前代議論以歐
陽文忠好作風月小詞至靳之於從祀之
列鄙見哉

古人稱先生

古人稱先生尊詞也稱父兄亦曰先生故
朱子曰先生父兄也漢人單稱先亦尊辭
也顏師古曰先猶言先生也故梅福傳曰
叔孫先非不忠也漢人單稱生亦尊辭也
顏師古曰生猶言先生也如賈生董生伏
生之類是也宋人稱先生加老焉尤尊辭
也如劉元城稱司馬溫公是也其筆之于

書亦自元城語錄始也

爲善望報

呂叔簡曰一里人事專利已屢爲訓說不從後頗作善好施貧救難余喜之稱曰君近日作事每每在天理上留心何所感悟而然荅曰近日讀司馬溫公語有云不如積陰德于冥冥之中以爲子孫長久之計余笑曰君依舊是利心子孫安得受福

激禍

歷代縉紳之禍多肇于語言文字之微是
故誹謗激坑儒之禍清議激黨錮之禍清
流激白馬之禍臺諫激新法之禍東林激
逆閹之禍禍生於激何代不然其始也一
人倡之群衆從而和之不求是非之歸而
譴狂到底卒不可破其卒也不可收拾則
所傷多矣

書勸門人

丁清惠公，最寬厚，有一門生好以刻薄
謀產，公貽書戒之曰：產業將貽之子孫，須
得之光明，待之仁厚，斯可垂之永久。若以
產業爲寃業，非惟爲子孫作馬牛，直爲子
孫作蛇蝎耳。戒之。又以扇爲古詩云：
一派青山景色幽，前人田土後人收。後人
收得休歡喜，還有收人在後頭。門生大慚。

不敢復橫

劉時卿語

劉時卿曰近世講學者開口便教人拋棄功名富貴此大害事古之聖賢於功名富貴何嘗生一重心亦何嘗生一輕心惟以無心應之時而我用也累朝列國不爲侈時而我舍也枕流漱石不爲枯如是而已耳

湯東谷語

揮塵談湯東谷語人曰學者居中等屋衣
下等衣食上等食何者茅茨土堦非今所
宜瓦屋八九間僅藏圖書足矣故曰中等
屋衣不必綾羅錦繡得夏葛冬裘僅適寒
暑足矣故曰下等衣至於飲食則當遠求
名勝之物山珍海錯名茶法酒物物皆備
度不爲凡流俗士故曰上等食

蘇黃門語

蘇黃門曰人生逐日胸次須出一好議論
若飽食暖衣惟利慾是念何以自別於禽
獸余歸蜀當杜門著書不令廢日只效溫
公通鑑樣作議論商略古人歲久成書自
足垂世也

伍菴菴語

林居漫錄緒紳之家婢妾多足以漁色而

不足以養壽命之源僕隸多足以張威而
不足以貽安靜之福田宅多足以示侈而
不足以杜勢家侵奪子孫傾覆之禍是故
武侯之醜婦荆公之蹇驢蕭相國之不治
垣屋實諸前哲無非軌儀凡百君子何莫
由斯○又云古訓但言貪利而王子晉獨
言貪禍但言求福而孟子兼言求禍人即
至愚禍豈有愛焉而貪之求之曰彼倚水

向火蠅趨蟻附之輩利方在門兵已在頸
非貪之求之耶○又云人有恒言皆曰義
利利緊跟義則是義能生利也又皆曰利
害害緊跟利則是利能爲害也知義之在
先害之在後則熙熙攘攘亦可以少息矣
○又言王少湖先生敬臣云有一先輩揭
千字文二句於壁而各加註焉罔談彼短
之下註我亦有短靡恃已長之下註人各

有長此語吾人皆當書之座右○又云地
上有門曰禍門而作惡者自投之地下有
門曰鬼門而好色者自趨之此二門者皆
一入而不可出可無懼哉故人能謹身守
法則禍門常杜能清心寡欲則鬼門永塞
○又云楊東里丘瓊山李西涯雖云博學
皆不識字東里不識節義二字瓊山不識
止足二字西涯不識端方二字

荒政

嘉靖中廣東僉事林希元荒政叢言救荒
有二難曰得人難審戶難有三便曰極貧
民便賑米次貧民便賑錢稍貧民便賑貨
有五急曰垂死貧民急粥飯疾病貧民急
醫藥旣死貧民急瘞埋遺棄小兒急收養
輕重繫囚急寬恤有三權曰借官錢以糶
糴興工作以助賑貸牛種以通變有六禁

曰禁侵漁禁攘盜禁遏驛禁抑價禁宰牛
禁度僧有三戒曰戒遲緩戒拘文戒遣使

治本

方遜志云貧國有四而荒凶不與焉聚歛
之臣貴則國貧勲戚任事則國貧上好征
伐則國貧賄賂行於下則國貧富國有四
而理財不與焉政平刑簡民樂地闢上下
相親昭儉尙德此富國之本

祝由科

黃帝素問移精變氣論有祝由科謂人病不用鍼石藥餌可祝而愈南史劉宋時薛伯宗善徙癰疽公孫泰患背疽薛爲氣封之徒置齋前柳樹背疽遂消樹便起一瘤如拳二十餘日瘤長膿爛出汁斗餘樹遂痿損又夷堅志載溧陽巫能治骨體長巷村人王四食鵝遺骸三日不能食且死遣

子詣巫巫於竈內取灰篩布地上炷香焚
紙錢誦咒召神結印次以葦筒作小犁狀
耕灰中云骨甚勁凡一至再筒中忽微有
聲亟傾注水盆中乃鵝翅骨也巫所居距
長巷四十里王子至家父已平復半日此
卽上古祝由之術也世之巫覡迎神攝氣
書符呪水効召鬼神自有此理天地間何
往而非一氣之流行一心之運用哉

燕二十八宿

明高皇欲燕二十八宿問刑部尙書開濟
燕用何品濟曰梟奎用酪畢用鹿肉觜用
根及果參牛用醢斗井鬼用杭米華和
蜜柳用乳糜星用杭米烏麻作粥張用毗
羅婆果翼用煮熟青黑豉軫用莠稗飯角
氏用諸華飯亢用蜜煮葉豉房用酒肉心
危用杭米粥尾用諸果根作食箕用尼拘

陀皮汁女用身肉虛用烏荳汁室用肉血
壁用肉婁用大麥飯并肉胃用粳米烏麻
野棗列於二十八張金桌上曰何以知其
至否也濟曰二十八把金荷用二十八續
紅綿割鬆椅上至則芒頭倒不至則芒頭
不倒如濟言燕之二十六椅芒頭倒二椅
芒頭不倒問曰二宿何以不至濟曰一宿
陛下一宿臣高皇疑濟要做朕不難以事

見法問曰卿聰明絕世錦心繡腹吾聞人心有七竅可見乎濟曰先剖腹風入無見也先斬後剖五內宛然如言剖之無見也高皇歎曰濟死且誘朕真聰明也

牛半狐眠

人知陶侃葬母之地爲老人所指牛眠處不知又有羊眠狐眠者宋章得象之母陳氏嘗活津州一城之命子孫衣冠相繼世

傳曰半眠處鵬鵠啼章家墳是也明李東陽父淳操小舟爲業遇貧者多不索錢人咸德之一日遇一老叟曰爾有陰德吾告爾善地瘞親嘗食厚報遂指一穴曰此狐眠處甚佳淳如所指見一狐捻卧驚而去之以營塋葬乃謝老叟叟曰不當驚狐俟其自起乃更吉爾後當中衰然爾子不失三公矣弘正間西涯果爲首相

丁謂才智

丁謂有才智嘗傾意以媚寇萊公冀得大
拜性尙穢祥寢晨占鳴鵲夜看燈花雖出
門歸邸亦必竊聽人語用卜吉兆時有無
賴于慶貧寒不立計且死凍餒謀於一老
儒老儒曰汝欲自振必更姓名後得志毋
相忘慶拜聽指揮老儒命改于爲丁名宜
祿使投身於謂謂果大喜收之門下不旬

月而謂人相宜祿遂寵冠紀綱雖大僚節
使倚藉闕說不踰年而家資鉅萬矣老儒
亦蒙宜祿引見得教授大郡按沈休文宋
書宰相蒼頭呼爲宜祿且復姓丁愈懷所
望莫謂晉公不讀書也

東坡遊西湖

宋稗類鈔姚舜明延輝知杭州有老姥自
言故娼也逮事東坡先生言東坡春時每

遇休暇必約客湖上早食於山水佳處飯
畢每客一舟令隊長一人各領數妓任其
所適晡後鳴鑼以集之復會望湖樓或竹
閣之間極歡而罷至一二鼓夜市猶未散
列燭以歸城中士女雲集夾道以觀千騎
之還實一時之勝事也

鄭仰田圻字

字觸載上虞倪公元璐爲祭酒時與溫輔

體仁軒將請告惠安鄭仰田者善圻字遇
於同官席上初未通名取投子中以緋飾
四者予卜鄭曰京官四品而掌印者惟祭
酒公其祭酒倪公耶公領之曰公必與當
事忤姓名中帶骨字者其人也蓋投子骨
所成而四面稜角不能剝圓以是知不合
也又曰公意欲圖歸乎必得請矣投體方
類口四亦類口乃回字也後果然

竹米

竹結實如麥則見於晉元康末苻璽之時
如米則見於唐開成末咸平之時然不言
其色與味也七修載嘉靖二十年杭州昌
化縣長巨五十里竹葉間苞絡成穗而實
焉採而煮之則黑色碎米炊而食之味少
澁而飽和節爲餅餌最佳其地遂就豐熟
又真珠船載嘉靖丁未戊申南洛漢河大

皇朝經世文編卷一百一十五
三
飢竹徧生實又多竹輒飢民甚賴之又見
傳云竹實如雞子味食之清涼滿口故謂
鳳凰食也

神石度飢

人遭水旱頻仍草木樹皮可入口者皆無
遺類然天不忍使民困絕必生異物以濟
之歷誌載宋真宗時慈州山生石脂如麵
可爲餅餌又秦州生聖米大如芡實蘇秀

二州湖中生聖米聞見后言載崇禎中杭
湖山間忽生異石色白而體軟質細狀
如茯苓研之可作粉麪民競取襍糠覈爲
餅食之得活者甚衆俗號觀音粉迨歲有
收此石乃堅不可復擣擣亦不可復食矣
○文苑英華載唐玄宗時王偁奏武威郡
天寶山周廻五六里石化爲麪村人取食
甘美益人孫述表云豈來楚之足喻何兩

呂氏集卷之二
梁之能方

京師十可笑

戴斗夜談載京師相傳有十可笑光祿寺
茶湯太醫院藥方神樂觀祈禳武庫司刀
鎗管繕司作場養濟院衣糧教坊司婆娘
都察院憲綱國子監學堂翰林院文章猶
漢世諺稱舉秀才不知書察孝廉父別居
之謂也

二十四氣

天啓中都下造天鑒錄點將錄崔呈秀密
付魏忠賢流入官禁按籍以罪諸人崇禎
中枚卜閣臣一時大僚及臺諫相搆不休
其不得與會推者因造二十四氣之旨以
搖惑中外目曰殺氣吳牲棍氣孫晉戾氣
金光震陰氣章正宸妖氣吳昌時淫氣倪
元璐瘴氣王錫衮時氣黃景昉疽氣馬嘉

植賊氣楊枝起悔氣王士鏐霸氣倪仁楨
亦氣周仲璉糞氣房之騏痰氣沈維炳毒
氣姚思孝逆氣賀王盛臭氣房可壯望氣
吳偉業雜氣馮元歐濁氣袁愷油氣徐沂
穢氣瞿式耜尸氣錢元爇各有譁號中間
賢不肖參雜其指爲淫氣逆氣油氣穢氣
者後皆死國難天鑒點將二錄傳抄者衆
故不具錄錄此以備野史之闕云

鐵冶廠

遵化鐵冶廠爐神元之爐長庚侯也元遵
化縣民康小二爲官鑄鐵當爐四十年鐵
不鎔費薪炭無數主者將治之欲自經康
有二女勸正之又恐父獲罪俱祝天投入
冶鐵應時鎔衆見一女上昇飛騰光燄中
若有龍隨之而起事聞封其父爲崇寧侯
二女勅爲金火二仙姑至今鐵冶祀之蓋

其地有龍潛於爐下故鐵不傾二女投下
龍驚而起焚其尾時有禿龍見焉

長卿簡子

蕭子雲賦長卿晚翠簡子秋紅楊升菴云
徐長卿藥名隄疾恒談云草中有行長卿
木中有無患子並可辟鬼齊民要術簡子
藤生綠樹不實如梨赤如雞冠核如魚鱗
取生食淡泊甘苦廣志謂之侯騷

李後主轉世

山陰金雪洲先生初生祖楚皖先生蘭命
名曰煜有異人善扶乩能降神言是兒前
身乃南唐李後主煜也後主讀馬太君詞
而喜之願爲之兒得乎戊戌失乎戊誌之誌
之又書一詞有天津橋上望歸舟又是黃
花六洛秣陵秋句考陸游南唐書後主以
建隆三年壬戌卽位至開寶七年甲戌宋

師下江南南唐遂亡雪洲先生以戊戌通
籍令郟城庚戌去官歿于天津亦在甲戌
又同客死于他鄉且一目皆重瞳子始終
若合符契亦異已康熙戊寅春遇先生令
子衍孫流于錢唐出毛曾侯先生傳誌示
予故知之詳焉太君詞有遂閒堂集行世

李錢二王生卒

南唐李後主煜以七月七日生以七月七

日死吳越王儼以天祐四年八月二十四
日生以宋太宗端拱元年八月二十四日
死剛一甲子然後王儼以王儼不堪回首句
及徐鉉所採賜肌藥而死忠懿荷禮最
優宜無他者顧二王皆以生辰死者蓋銜
忌未消各借生辰賜酒陰斃之也

黃祇識語

青燐屑載崇禎元年五鳳樓前獲一黃祇

內襲小函一卷題曰天啓七崇禎十七還
有福王一內侍晨檢得奏御前恩陵傳巡
視皇城各官寃所從來袁槐眉給諫奏曰
此事不經何由得至大內且臣等巡視俱
各未見而內臣特奏之安知非奸人所爲
如一追究將來必有造言贊惑聖聽者矣
上可其奏立命火之至甲申乙酉國亡竟
符其數

文士潤筆

以財乞文俗謂潤筆之資隋鄭譯拜爵沛國公位上柱國高祖爲制戲曰筆斂蒼曰出爲方伯杖策言歸不得一文何以潤筆唐柳玭善書東川節度使顧彥瑄請書德政碑玭曰若以潤筆爲贈卽不敢從命容齋隨筆謂文字潤筆自晉宋以來有之至唐始盛李邕作文受納餽遺至巨萬皇甫

湜爲裴度作福先寺碑度贈車馬紙繒甚厚湜猶以爲薄度又酬絹九千匹白居易作元稹墓志謝以鞍馬綾帛玉帶價踰六七十萬裴均死其子持萬緡詣韋貫之求銘劉禹錫祭韓昌黎文云公門侯銘志隨表阡一字之價輦金如山自宋以後此風衰息矣王弼州云饒介之仕僞吳苻時彥作醉樵歌以張仲簡作爲第一高李迪次

之介之贈仲簡黃金十兩季廸白金三斤
後承平日久張修撰洪每爲人作一文僅
得錢五百文尙未慊意也戒庵漫筆云有
人求文於桑忠公悅託以親昵無潤筆思
予曰吾平生未嘗自作文字可暫將白銀
一錠置吾案間鼓吾興致待文作完并銀
送還可也唐子畏寅有一巨本錄記所作
文字簿面題利市二字都南濠穆生平至

不苟取管有疾以帛裹頭強起坐書室中
人有請其休息者荅曰若不如此則無人
來求文字索潤筆矣馬懷祖嘗爲人求文
字於祝枝山允明枝山問曰是現精神否
俗以銀錢爲精神也馬曰然祝則欣然捉
筆又南窓閒筆載陳白沙善畫海求之者
衆白沙戲題坐側曰馬善畫人又來人不解
問之白沙曰白畫白畫衆爲絕倒

明皇遇貴妃

唐明皇於開元二十六年冬取楊玉環于
壽邸度爲女道士住內大真宮時明皇年
已五十三矣至天寶四載冊爲貴妃寵冠
後宮者前後凡十八年至天寶十五載貴
妃年三十有八縊死於馬嵬坡之佛堂明
皇日夜追思又七年始卒以老年遇愛姬
又加韓虢秦三姨環侍左右晝夜游戲觀

開天遺事可見而卒享二十餘年之樂使
其恬淡寡欲其壽又豈止於七十八哉

吏三十六子

近事有疑載康熙中江南某府吏鄭某立
心忠樸爲郡守所信任分外厚遇一日升
堂呼之見其衣服破弊因叱之曰我另眼
看你你爲何袍子不做裝窮如此吏云吏
乃真窮非詐也守叩問所以窮之故吏云

小吏養子三十六人只喫飯着衣也要窮
死守笑問曰如何婢妾之多吏云小吏只
夫婦兩口子皆妻子所生守又笑問你年
紀不上四十難道三四歲就養兒子麼云
小吏十八歲完娶一年一胎子皆雙生所
以今年三十六歲有子三十六人守問皆
存活否云皆現在守命領來看吏歸使大
兒抱幼兒中兒携小兒擁擠一堂守笑不

止取庫銀百兩賞之申文報司撫司撫異
之各有所贈張文玖述此真異事云

奸僧燃指

祝枝山前聞載奸僧割婦人乳頭以爲煉
指之用蓋割婦人乳頭之皮包于指上復
如樂件和牢然後燒之則肉肉了不痛也
凡燃指煉頂燒臂刺血之類必皆有術而
此事亦可構詭譎者之一知也

籠燈傳送

四友齋叢說明孝宗嘗問內侍云在京各衙門官每日早起朝參日間坐衙治事其同年同僚與故鄉親舊亦須宴會那得工夫內侍荅云惟是夜間飲酒孝宗曰各衙門差遣缺人若是夜間飲酒騎馬醉歸何處覓燈燭今後各官飲酒回家途鋪皆要籠燈傳送自是兩京皆然雖風雪寒凜之

夕夜半呼燈未嘗缺乏

妓女葉子

潘之恒亘史萬曆丁酉冰華梅史以燕都
妓女四十人配葉子以代觥籌東院十九
人郝筠魏寄李夜珠楊娟娟魏道蘊郝長
王又蘭李月仙郭子夜崔瓊崔新鶯張燕
燕崔粧李昭崔長卿陳雪筍崔子羽焦燕
如李十一西院四人李燕峯屈慧若屈文

若柳五本司五人陳桂王壽段素如王燕
如郭狄前門十二人田瑤生劉越西左翠
馮丑馮巧孫真真田文舒劉宛宛董雙成
吳文玉王良張六梅史者浙沈水部所托
名也聞京師妓女王雪簫爲最而薛素素
才伎過之梅史不之及未識何故

記里鼓

記里鼓又名記里車車上有二層皆有木

望瓠續集

卷一

詩

廣

人每行一里下層木人擊鼓一槌行十里
上層木人擊獨一槌郎仁寶七修言正德
中學使嘗出以試士舉場皆不知始於何
時創自何人楊鐵崖有記里鼓賦亦無時
與人而二朝志載記里車唐元和間金忠
義所作宋天聖間內侍盧道隆又造之及
閔陳眉公書蕉載記里鼓劉宋高祖平姚
泓所得則知又不始於唐末矣

宣武門書院

萬曆中憲長吉水鄒南舉先生元標副都

三原馮少墟先生從吾各以建言予杖去

里居講學四十年泰昌初徵入掌憲公暇

輒會講城隍廟會議建書院宣武門內城

御史周公宗建董之講堂三楹後堂三楹

供先聖陳經史典律以大啓二年十一月

開講至四年六月罷講御史倪文煥等詆

爲僞學䟽曰聚不三不四之人說不痛不
癢之話作不淺不深之揖啖不冷不熱之
餅乃碎碑暴於門外毀先聖木主焚棄經
史典律于堂中院且拆矣崇禎初文煥等
伏法院遂以存後禮部尚書徐光啓率西
洋人湯若望借院修曆署曰曆局

毀碑

楊璉真伽元僧禿賊也毀碑刻以爲浮圖

萬世唾罵泥水燕談錄載景祐中姜遵平
永興奉太后旨悉取長安漢唐碑石以代
磚甃爲浮圖此中國讀儒書者雖有太后
旨未聞諫止而輒奉之與元賊何異又水
經洛陽天淵池有魏文帝九花樓殿基悉
是洛中故碑累之又聞父老言南京街中
亦半是六朝舊碑又予親見長洲露臺西
階石是蕭景肱仗義英風之碑

宋江畢四

宋徽宗時山東賊宋江等三十六人聚衆橫行官軍莫敢撓其鋒周公謹載其名贊於癸辛雜志又元順帝時花山賊畢四等亦三十六人聚集茅山出沒無忌官軍不能收捕二賊相類又皆三十六人宋江中有一丈青花和尚而畢四中亦有一婦一僧最勇健豈真上合天罡之數耶

京師四多

五雜俎載京師闖豎多于縉紳婦女多于
男子倡伎多于良家乞丐多于商賈諺曰
天無時不風地無處不塵物無所不有人
無所不爲蓋盡人間不美之俗不良之輩
而京師皆有之殆古之所謂陸海者或謂
不如是不足爲京都斯言亦近之

蘆溝斗城

破夢間談蘆溝曉月爲畿輔八景之一崇
禎三年後風景蕭條議者謂此畿輔咽喉
宜設兵防守又須築城以衛兵於是當橋
之北規里許爲斗城局制雖小而崇墉百
雉儼若雄關城名拱北二門南曰永昌北
曰順治初于崇禎丁丑特設參將控制之

娼家魔術

娼家魔術在在有之此方尤甚客座新聞

載妓家必供白眉神又名祆廟神朝夕禱
之至朔望日用手帕蒙神首刺神面視子
弟奸猾者佯怒之撒帕着子弟面將墜於
地令拾之則悅而無他意矣祝枝山志恠
錄載一少年狎一娼娼以其年少又美且
富也趨奉甚謹少年惑之留其家已經歲
一日偶倚樓閒望見娼自携一魚以入私
念何不使婢輩而必自持因密察之娼持

魚徑人廁中少年益怪焉諦窺之見娼置
魚於空溺器中頃之又將一器物注溺器
中若水而色赤亟前視之乃月水也乃大
恨而別按博物志云月布在戶婦人留連
註謂以月布埋戶限下婦女入戶則自淹
留不肯去是女可以此留男男亦可以此
留女也又聞娼不欲接其人則撒鹽入水
投火中其人便焦急而去矣

劉良女

明武宗西幸悅樂妓劉良女遂載以歸號
曰夫人居騰福殿覆以黑琉璃瓦俗呼爲
黑老婆殿日下舊聞云康陵南廵日與夫
人期以中途召之夫人脫簪子帝以示信
帝騎過蘆溝亡之太監不得行至臨清念
夫人召之夫人以不見簪不往帝不獲已
兼程抵潞河載夫人備南寺觀旛幢列鎮

國公號復繫以名夫人每得並書嘉靖初
納南京給事中王紀之言俾盡撤去然夫
人在途常諫帝游獵非專以色固寵者一

官司諺語

宙載載都下諺語云吏科官戶科飯刑科
紙工科炭兵科皂隸禮科看說聽載工部
居六曹後仕進者冷局視之嘉靖間興大
堅添設部官比曩時數倍營繕司尤盛郎

中多至十餘員得驟陞京堂或有先賜四品服者人始慕之而爲語云馬前雙馬後方督工郎馬前雙者視馬後方者視也兵部四司謠語見壬集三卷

都下諺

宙載載成化間都下諺云韋英房梁芳馬尚銘銀子似磚瓦嘉靖間都下又有諺云滕太監房麥太監馬高太監金銀似磚瓦

上卷之二 卷一
三
滕名祥御用監麥名福掌團營高名忠內
官監監督諸工者

平江伯

金臺紀聞平江伯陳睿好飲涼酒京師爲
之語曰平江不飲熱酒怕火篩適弘治庚
申火篩兵勢頗張孝廟遣平江禦之臨軒
掛印平江畏怯失措跌而失印孝廟不樂
尋竟以逗留削爵

看果楮錠

今士庶有喪靈座前皆設有果或土或木而飾以色其祭享則必焚楮錢及金銀楮錠陶穀清異錄載周祖靈前看菓皆雕香爲之形色如真則看果五代時已有之矣唐王璠傳載漢以來皆有瘞錢後里俗稍以紙爲錢璠以用之祭祀則祭祀之焚楮錢蓋始於璠清異錄又載周世宗發引之

日金銀錢寶皆寓以形而楮錢大若盞口
其印文黃曰泉臺上寶白曰真遊亞寶則
金銀楮錠及錢始于唐而盛行于五代矣
返魂香

客座新聞載人倉劉家河天妃僧自外歸
見鍋中湯沸揭而視之見二卵者將熟詢
之言行童於鵲巢中取者僧命還之巢中
僕曰卵已孰矣還之無生理僧曰吾豈望

其生但免鵲之悲鳴而已後數日忽出二
雛僧異之令僕探其巢見一木尺許五綵
錯雜成文香氣馥郁持以與僧供之佛前
亦未之識也後有入貢倭人見而欲售之
僧給之曰此香乃三寶太監捨供天妃者
豈敢賣錢倭強以五百金易去後倭復入
貢來訪老僧已故矣其徒詢所取之香何
物也倭曰此聚窟州所出返魂香焚之死

人之魂復返矣

戒指

俗用金銀爲鑲貫於指間謂之戒指按詩
註古者后妃群妾以禮進御於君女史書
其月月授之以鑲以進退之生子月辰以
金鑲退之當御者以銀鑲進之著於左手
既御者著於右手又謂之手記事無大小
記以成法則戒指手記之名其來久矣

戴文進畫厄

明宣廟喜繪事一時待詔有謝廷循倪端石銳李在皆有名戴文進入京衆工嫉之一日在仁智殿呈畫文進以得意之筆上進第一幅是秋江獨釣圖畫一紅袍人垂釣于水次畫家惟紅色最難着文進獨得古法人妙宣廟閱之大喜廷循從旁奏曰此畫甚好但大紅是朝廷品官服色却穿

此去釣魚甚失大體宜廟領之遂揮去其餘幅不復視

買東西

兎園冊崇禎中思陵設游藝堂爲涉覽文史地有所疑輒使中官問之詞臣一日忽命中官問詞臣曰今市肆交易止言買東西而不及南北何也詞臣猝無以對勸臣周延儒曰南方火北方水豈果印人之

戶求水火無分與者此不待交易故惟言
買東西中官以其言入奏思陵善之愚意
東主生發西主收歛或取東作西成之意
書之以俟博識

山海經

漢武帝時外域獻獨足鰲人以爲恠東方
朔曰此山海經所謂畢方鳥也驗之果是
因勅廷臣皆習山海經按山海經伯翳著

蓋隨禹治水撮山海之異而成書也郭弘
農注解劉向編次作序

娶婦用鞍

唐突厥默啜請尙公主詔送金綬具鞍默
啜以鞍乃塗金非天子意請罷和親鴻臚
卿知逢堯曰漢法重女壻而送鞍欲安且
久不以金爲貴默啜從之今人家娶婦皆
用鞍與寶瓶取平安之意其來久矣

女官

女子爲女官者女侍中後魏元義妻胡氏

一作女常侍

齊高岳母山氏趙彥深母傅氏南

漢官人盧瓊仙黃瓊之女尚書魏明帝選

知書女子爲之使典外奏女學士陳後主

時宮人袁大捨等唐德宗朝貝州宋延芳

五女若華

一作華

若昭若華若倫若憲明孝

宋朝沈瓊蓮女博士宋孝武朝吳郡韓蘭

英女進士宋孝宗時林幼玉明武宗時林妙玉皆以女童應試詔賜女進士女山人孟光明初女官亦有名號識小編載洪武元年冬封范氏謹其爲孺人與六品誥命

女將軍

女子爲將軍者晉瑯琊王廙起兵以已女爲貞烈將軍悉以女人爲官屬以顧璠母孔氏爲軍司馬時年已百餘尚能執堅破

陣又唐行營節度許叔冀以衛州女子侯氏滑州女子唐氏青州女子王氏軟血赴義奏授爲果毅將軍陳女白頸鴟爲契丹懷化將軍侍夫數十人金史載繡旗女將與李全戰者明嘉靖中廣西女土官瓦氏率兵來吳援倭寇天啓中石砭土司女官秦良玉勤王他如柴紹妻平陽公主崔寧妾浣花任夫人又不足異也

詐爲男子

女子詐爲男子而有官位者南齊時東陽婁逞能基解文義變丈夫服仕至揚州議曹錄事商丘木蘭代父從征以功還除尚書不受唐昭義軍兵馬使國子祭酒石氏張察妻朔方兵馬使御史大夫孟氏蜀女狀元司戶叅軍黃崇嘏明初保寧韓氏從征雲南往返七年人無知者

六十生子

真珠船載陽寧張媚之女十二歲而得男
長安劉氏之婦六十二而育女是卽胎之
結亦有不假天癸者見者以爲其說似誕
近聞揚州某商老而乏嗣妻年六十而生
一子族人爭疑之訟于郡守守廷鞠之商
言可據當堂滴血驗係果真衆議方息又
見金史載金之始祖函普初從高麗來年

已六十餘矣居完顏部部有賢女年六十而未嫁部人以賢女許始祖始祖乃以青牛爲聘禮而納之後生二男長曰烏魯次曰幹魯一女曰汪思板是六十生子古亦有之未盡誣也

啟棺出女

毛鶴舫先生言康熙戊寅八月初六杭城北關門外枯樹壩有鍾姓者婢產一女而

母卽死家人以無人乳育并納棺中而殮
權厝郊外至十二日農人鋤地其傍聞啼
聲初疑爲鬼佇聽久之乃知爲嬰兒歸告
其同里聞於官命啓棺出女抱置城中育
嬰堂傳爲異聞乃知搜神記所載漢哀帝
建平四年方與女子生兒不舉塋之陌上
後三日有人過聞兒啼聲報其母掘出收
養之非誣也

南無

聽兩紀談釋氏稱佛名號皆冠以南無二字宋葉少蘊云今狄謂拜爲膜穆天子傳膜拜而受已有此稱若云居南方而拜耳旣譌爲謨又因之爲南無南摩子聞之一老儒云佛居西方西方金也至南方而無火剋金也又云釋氏稱比丘比丘尼者皆冒吾先聖名字耳說亦有理

美髯

世傳美髯者多不得其死雲長茂先往往而驗謝靈運臨刑捨其鬚裝瓦棺寺維摩詰像王僧辨子頌爲父報仇發陳武帝陵戮其屍見鬚皆不落其本出自骨中豈鬚美者歿猶爲崇耶

盤飧山水

紫桃軒雜綴唐有淨尼出奇思以盤飧簇

成山水每器占欄川圖中一景人多愛玩
至腐臭不忍食又吳越戚里孫承祐者豪
奢炫俗用龍腦煎酥製小樣驪山水竹屋
宇橋梁人物纖悉具備戊寅春鶴舞橋賽
神以甘蔗一百二十餘根壘成山水以粉
爲人物倣常遇春奪采石磯高七八尺貯
大銅爐中遠近聚觀以爲莫及已卯春
聖駕臨吳有人以剝白胡桃壘成假山一

座路徑曲折人物參差刻冰鏤脂之技至此而無出其右矣

離地草

記事珠載兗州國有離地草人以藉足不步而行達磨見梁武去來自由以有此草也其葉如蘆故傳踏蘆渡江

酒籌

古人飲酒擊博其籌以牙爲之長五寸箭

頭刻鶴形謂之六鶴齊飛今牙籌亦其遺
意唐人詩云城頭稚子傳花枝席上搏拳
握松子則今人催花猜拳唐時已有之矣

優鉢羅花

紫桃軒又綴北京禮部儀制司有優鉢羅
花卽金蓮花開時迨四月八日至冬結實
如鬼蓮蓬脫去其衣中有金色佛一尊唐
岑嘉州有優鉢羅花歌